

古今刀劍錄 銅劍讚
車銃圖 蟻衣生劍記



蠙
衣
生
劍
記

郭子章輯

中
華
書
局

叢書集成初編

古今刀劍錄（及其他三種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米 三十二分之一

統一書號：ISBN 7-101-00894-1/K·367

續衣生創記

此據寶顏堂秘笈
本排印初編各叢
書僅有此本

蟻衣生劍記

秦和郭子章輯

說劍

古有刀劍錄，載古今名劍，未免脫漏，爰收其所未備者，合爲上下篇。上篇皆據劍之寔者紀之，下篇皆紀其寓言，如莊生所謂天下劍諸侯劍之類是也。

說劍上

畫影騰空

王子年拾遺記：顓頊高陽氏有畫影騰空二劍，若四方有兵，此劍則飛赴，指其方則克。未用時在匣中，常如龍虎嘯吟。

葛盧

管子：葛盧之山出金，蚩尤制爲劍鎧矛戟。

禹劍

刀劍錄：夏禹字高密，以庚戌八年鑄一劍，長三尺九寸，後藏之會稽秦望山，腹上刻二十八宿文，有背面，面記星辰，背記山水日月。

蟻衣生劍記

指日

淮南子。虞公與夏戰。日欲落。公以劍指之。日退不落。

少康

刀劍錄。少康辛卯三年春。鑄一銅劍。上有八方面。長三尺一寸。頭方。

牛頭山鐵

刀劍錄。孔甲甲辰歲。採牛頭山鐵。鑄一劍。長四尺一寸。

含光承影宵練

列子曰。魏黑卯以匿嫌殺丘邴章也。邴章之子來丹謀復父仇。而丹氣甚猛。形甚露。又恥假力於人。嘗以手劍黑卯。而黑卯力撫百人。其視來丹猶雛鷺也。來丹謀於友中抱中抱曰。吾聞衛孔周其祖得殷三寶劍。三童子服之。却三軍之衆。奚不請爲來丹適衛。見孔周執僕禮。請先納妻子。後言所欲。周曰。吾有三劍。惟子所擇。一曰含光。視不可見。運之不知其所觸。泯然無際。經物而物不覺。二曰承影。昧爽之交。日夕昏明之際。北而察之。淡淡焉若有物存。莫有其狀。其觸物也。輒然有聲。經物而物不見。三曰宵練。晝則見影而不見光。夜則見光而不見形。其觸物。駭然而過。隨過隨合。覺疾而不血刃。此三寶傳三十三世矣。而無施於事。來丹請其下者。孔周乃歸其妻。跪而授其下劍。丹再拜受之。執劍從黑卯。黑卯醉。偃臥牖下。自頸至腰。三斬黑卯。黑卯醒。怒其妻曰。醉而覆我。使我噉疾而腰急。注。匿嫌私恨也。露。羸也。駭音休伯反。無施。

於事不能害物也。

越瀝利

商書越瀝請令利劍爲獻。

定光

刀劍錄太甲以甲子歲鑄一劍文曰定光。

照膽

刀劍錄武丁以戊子歲鑄一劍名曰照膽。

伐鬼方

三輔皇圖漢太上皇徵時佩一劍長三尺上有銘字難識傳云殷高宗伐鬼方所作也。

武王

大戴禮踐阼篇武王劍銘曰帶之以爲服動必行德。

周桃氏

考工記桃氏爲劍臘廣二寸有半寸兩從半之以其臘廣爲之莖圍長倍之身長五其莖長重九鏹謂之上制上士服之身長四其莖長重七鏹謂之中制中士服之身長三其莖長重五鏹謂之下制下士服之因人之材力強弱列爲三等。人各以形貌大小帶之。注劍以止暴桃以辟不祥類相似也故以桃氏爲劍。

上制長三尺。中制長二尺五寸。下制謂今之匕首也。長二尺。士謂勇力之士。樂記所謂虎賁之士說劍。

虞叔

左傳。虞叔有玉。虞公求獻之。公又求其寶劍。叔曰。是無厭也。無厭將及我。遂伐虞公。

周王

刀劍錄。周昭王瑕鑄五劍。以投五嶽。

昆吾切玉

列子。周穆王得昆吾劍。切玉如泥。河圖曰。瀛洲多積石。名昆吾。可爲劍。尸子曰。昆吾之劍可切玉。龍魚河圖曰。瓜洲在西海中。上有昆吾石。其石爲鐵。作劍光明四照。梁吳均寶劍詩曰。我有一寶劍。出自昆吾溪。照人如照水。切玉如切泥。

王子喬飛天

世說。王子喬墓在金陵。戰國時人有盜發之者。都無所見。惟有一劍。停在空中。欲進取之。劍作虎吟虎吼。飛上天。

弄

列子曰。關子以技干宋君。弄七劍迭而躍之。五劍常在空中立。賜以金帛。

斬龍

翰墨全書。澹臺誠明齋壁渡江。乃拔劍斬龍。

于越

莊子刻意篇。夫有于越之劍者。匣而藏之不敢用。寶之至也。注。于溪越山出名劍。呂氏春秋荆茲非得寶劍於于越。

越闕錄干將莫邪鉅闕辟闕

荀子桓公之愬。太公之闕。文王之錄。莊君之辟闕。闕闕之干將莫邪鉅闕。此皆古之良劍也。注。齊桓公齊太公周文王楚莊王之劍名。皆未詳所出。愬青色也。錄與綠同。三劍以色爲名。曹植七啓說劍云。雕以翠錄。亦其類也。愬劍光采。慌忽難視。以形爲名也。闕未詳。或曰。劍至利則喜闕。因以爲名。吳越春秋干將作劍未成。乃曰。昔吾師之作治也。金鐵之類不消。夫妻俱入冶爐之中。莫邪曰。先師親身鑠以成物。妾何難也。於是干將夫妻斷髮剪爪。投之爐中。使童男童女三百人鼓鑪裝炭。金鐵乃濡。遂以成劍。陽曰干將。而作龜文。陰曰莫邪。而作綬理。世語干將吳人。莫邪干將之妻也。楚王夫人嘗於夏納涼而抱鐵柱。心有所感。遂懷孕。產一鐵。楚王命莫邪鑄爲雙劍。三年乃成。一雌一雄。莫邪留雄。以雌進楚王。劍在匣中。嘗自悲鳴。王問羣臣。對曰。劍有雌雄。鳴者雌憶其雄。王怒。收莫邪殺之。又吳越春秋曰。干將作劍。採五山之鐵精。含六合之金英。候天伺地。陰陽同光。子虛賦建干將之雄戟。注。干將王帥劍也。王褒頌及至巧治。鑄干將之模。清水淬其鋒。越砥歛其鏑。水斷蛟龍。陸刺犀革。忽若箝紀。塵塗新序云。辟闕鉅闕。天下之良劍也。或

曰辟閭卽湛盧也。言湛然如水而黑色。

孟勞

博物志魯寶劍名。殷梁傳公子友謂莒掣曰。吾二人不相說。士卒何罪。屏左右而相博。左右曰。孟勞。公子友以殺之。

齊王

一統志齊王有寶劍磨于長興晏子鄉。其水微赤似鐵汁。

美金

國語曰。齊桓公問管仲曰。齊國寡甲兵奈何。對曰。小罪譴以金。美金以鐵劍戟。試諸狗馬。惡金以鐵鋤夷。試諸士墳。甲兵大足。

龍淵太阿工市

越絕書楚王作三劍曰龍淵太阿工市。晉鄭求之不得。與師圍楚。三年不解。楚王引太阿之劍登城。麾之三軍破敗。士卒迷惑。流血千里。猛獸歐膽。江水折揚。晉鄭之頭盡白。又云。楚王使風胡子求干將歐冶子作劍三枚。二人鑿其山。洩其藻。取鐵文。選張協七命曰。楚之陽劍。歐冶所營。邪溪之鑌。赤山之精。乃鍊乃鑄。萬辟千瀆。豐隆喬椎。飛廉扇炭。張太阿劍銘曰。太阿之劍。世載其美。淬以清波。斂以越砥。

季札

史記吳季札聘魯過徐。徐君好札劍，口不敢言，札心知之，爲使上國未獻，還至徐。徐君時已死，札解劍掛徐君墓上，而曰：始吾以心許之，豈以死背吾心哉？

吳鉤

吳越春秋：吳王闔閭令國中作金鉤，曰：善者賞百金，有人殺其二子，以血釀金成二鉤以獻，向鉤呼二子之名曰：吳鴻、扈稽，我在於此。兩鉤俱飛着父胸，乃賞百金，遂服而不離身。杜詩：少年別有贈，含笑看吳鉤。

鐵膽

拾遺記：昆吾山有獸如兔，食銅鐵。吳國武庫中，兵刃皆盡，忽見雙兔，殺之，有鐵膽臂，方知兵刃爲兔所食，乃鑄鐵膽爲二。

北斗

撮書：伍胥奔吳，追者在後，至江上，有一漁父乘船，知伍胥之急，乃渡之。胥既渡，解劍直百金與父。父曰：楚國之法，得伍胥者爵執珪，豈徒百金劍耶？不受，一笑刺船而去。吳越春秋：伍子胥過解劍與漁父，曰：此劍中有北斗七星文，其直百金。

屬鏤

左傳：吳將伐齊，越子率其衆以朝，吳人皆善。唯子胥懼曰：是豈吳也？王怒，使賜之屬鏤以死。注：屬鏤劍也。古賦：斷跡屬鏤。

奄日斷水轉魄影蜺懸剪滅魂却邪真剛

拾遺記越王句踐以白牛白馬祝昆吾山神以成八劍應八方之氣一曰奄日以之指日日光晝暗二曰斷水畫水開卽不合三曰轉魂指月蟬兔爲之倒轉四曰懸剪飛鳥觸其刃如斬截焉五曰驚蜺以之沈海鯨鯢深入六曰滅魂挾以夜行不遇魑魅七曰却邪妖魅見之則止八曰真剛切玉斷金如切土水

純鈎湛盧毫曹魚腸鉅闕

吳越春秋越王允常聘歐冶子作名劍五枚一曰純鈎二曰湛盧三曰豪曹四曰魚腸五曰鉅闕王以豪曹示薛燭燭曰夫寶劍五色並見豪曹黯無光殞其光芒其神亡矣示之巨闕薛燭曰非寶劍也夫寶劍金錫和同氣如雲烟今見其光已離矣示之魚腸燭曰金精從理至本不逆魚腸倒本從末逆理之劍也示之純鈎燭變然曰光乎如屈陽之華沈沈如芙蓉始生於湖其文如列星之行其光如水之溢塘此純鈎也王曰客有以鄉三十駿馬千匹萬戶之都二價此劍可乎燭曰不可臣聞初造此劍亦董之山破而出錫若耶之溪澗而出銅雨師灑道雷公發鼓天帝裝炭太乙下觀示之湛盧燭曰善哉含金鐵之英吐銀錫之精可以折衝伐敵人君有逆謀則去之他國允常以湛盧獻吳吳公子棼王僚湛盧去如楚昭王將而得之召風胡子問之此劍值幾何對曰赤堇之山已合若耶之溪深而不測羣神上天歐冶已死雖傾城量金珠玉滿河不借一觀況駿馬萬戶之都乎越絕書闔閭無道湛盧之劍去之入水行淩楚秦王求之卒不與也客志闔中有山名湛盧疑此山之鐵鑄劍以爲名也張景陽七命曰或馳名傾秦或夜飛

去吳。又越絕書。闔閭蒙葬以磐郢魚腸之劍。葬之日。白虎居上。號曰虎丘。

白猿

劍俠傳。越王問范蠡手劍之術。蠡曰。臣聞趙有處女。國人稱之。王乃請女。道逢老人。自稱袁公。問女曰。聞女善爲劍。願得一觀之。女曰。惟公所試。公挽林竹刺女。女因杖擊之。公飛上樹。化爲白猿。李白少年場行。少年學劍術。凌轢白猿公。

步光

史記子貢傳。越使大夫種言於吳王曰。奉先人藏器甲二十領。鉞屈盧之矛。步光之劍。以賀軍吏。吳王大說。越王送子貢金百鎰。劍一。良矛二。子貢不受。越絕書。越王被棠夷之甲。步光之劍。以見孔子。曹子建七啓。步光之劍。華藻繁縟。

莒子

左傳曰。莒子庚與虐而好劍。苟鑄劍必試諸人。大夫烏存帥國人以逐之。

秦昆吾

孔叢子曰。秦王得西戎利刀。割玉如割木。以示東方諸國。魏王問子順曰。古有之乎。對曰。周穆王征西戎。西戎獻昆吾之劍。長尺有咫。鍊鋼赤刀。用之切玉如切泥。是則古亦有之也。列子湯問釋文。昆吾龍劍也。

冰心

玉海。秦昭王以三月置酒河曲。見金人奉水心之劍曰。令君制有西夏。乃霸諸侯。因此立爲曲水。

楚

史記。秦昭王臨朝歎息。范雎請罪。王曰。吾聞楚之鐵劍利而倡優拙。鐵劍利則士勇。倡優拙則慮遠。以遠慮御勇士。恐楚之圖秦也。

鹿盧

史記。荆軻左把秦王之袖。右搯其胸。王乞聽琴死。召姬人鼓琴。琴聲曰。羅襪單衣。可裂而絕。八尺屏風。可超而越。鹿盧之劍。可負而拔。王奮袖而去。

棠谿墨陽合購鄧師宛馮龍淵太阿莫邪干將

史記。蘇秦曰。韓卒之劍戟。皆出於冥山。棠谿墨陽合購鄧師宛馮龍淵太阿。皆陸斷牛馬。水截鵝。索隱。天下之寶劍。韓爲衆。八曰莫邪。九曰干將。其劍皆出西平縣。今有鐵官。

刺劍

史記。魯句踐聞荆軻之刺秦王。私曰。嗟乎惜哉。其不講於刺劍之術也。

斬蛟

宣紀。應募飲飛射士。羽林孤兒。呂氏春秋。荆有茲非得寶劍於干將。渡江中流。兩蛟繞舟。茲非拔劍赴江。刺殺之。荆王聞。仕以執圭。後世以爲勇士之官。

孟嘗君

沈約爲東宮，謝賜孟嘗君劍，啓曰：田文重氣，狗名四豪，莫及寶劍雄身，故能威陵秦楚，人高事遠，遺物足奇，謹加玩服，以深存古也。

劍緣

萬花谷偶驢居，孟嘗君傳舍驢彈寶劍而歌曰：長劍歸來乎？注：劍背茅類，猴把劍之處，無物可裝，以劍爲小繩以縛之。

吾干

王剪傳：捐吾干曰：夫吾干之劍，肉試則斷牛馬，金試則截盤匱，薄之柱上而擊之，則絕爲三，質之柱上而擊之，則碎爲百。

斬蛇三尺靈金藏赤霄七尺寶

漢紀：高祖被酒，夜經澤中，行前者還報曰：前有大蛇當徑，願還。高祖醉曰：壯士行何畏？乃前拔劍斬蛇。蛇分兩道，開行數里，後有人至蛇所，一老嫗夜哭，人問何哭，嫗曰：吾子白帝子也，化爲蛇當道，今爲赤帝斬之，嫗忽不見。後人告高祖，高祖心喜，自負及爲沛公祠黃帝，祭豈尤於沛庭，而鑼鼓旗幟皆赤，由所殺白帝子者赤帝子也。上曰：吾以布衣提三尺取天下，非天命乎？徐寅斬蛇劍賦：龍舌三尺，霆飛半尋，磨霜礪雪，神母夜號，以章赤帝之符，爰茲發迹，斬蛇舊履，神母告符，朱旗乃舉，三輔黃圖：太上皇游豐沛山中，寓

居窮巷。有人冶鑄。上皇忌其旁。問曰。鑄何器。工笑曰。爲天子鑄劍。謹勿言。曰。得公佩刀。雜治之。卽成神器。可克定天下。昂星精爲輔佐。水衰火盛。此爲異兆。上皇解匕首投爐。劍成。殺三牲以釐祭之。工問何時得此。上皇曰。昭襄王時。余行陌上。一野人授余云。是殷時靈物。工卽持劍授上皇。上皇以賜高祖。高祖佩之。斬白蛇是也。及定天下。藏於寶庫。見白氣如雲出戶外。狀如龍蛇。呂后改庫曰。靈金藏。惠帝卽位。以此庫貯禁兵器。名曰靈金內府。晉惠帝元康三年。武庫火燒。孔子履。高祖斬蛇劍。咸見其穿屋飛去。莫知所向。西京雜記。漢高祖斬蛇劍。以七彩珠。九華玉爲飾。五色琉璃爲匣。刃上常如霜雪。光景照外。開囊拔鞘。輒有風聲射人。刀劍錄。劉季以始皇三十四年。於南山得一劍。長三尺。小篆書銘曰。赤霄。及貴帝服之。此卽斬蛇劍也。續漢書。漢西京法駕出。則侍中多說者一人。負傳國璽。操斬蛇劍。參乘文選注。漢禮儀志曰。皇太子卽位。中黃門以斬蛇寶劍授。古今注。高祖及貴。別得七尺寶劍。長楊賦。高祖順斗極。運天關。提劍而叱之。杜篤賦。斬白蛇屯黑雲。提干將而呵暴秦。班固泗水亭銘。靈金耀楚。

項莊

漢書。沛公自霸上從百餘騎。見羽於鴻門。羽因留沛公。范增數目羽擊沛公。羽不應。增出請項莊曰。君王爲人不忍。汝入以劍舞擊沛公。殺之。莊入爲壽曰。軍中無以爲樂。請以劍舞。因拔劍起舞。項伯亦起舞。常以身蔽高祖。乃獲免。

陵母

漢王定三秦，沛人王陵以兵屬漢。項王取陵母置軍中，以召陵。陵母語使者曰：「願爲妾語陵，善事漢王。漢王長者，毋以妾故持二心。」遂伏劍死。

韓信

刀劍錄：赤烏中有人得韓信劍，帝賜周瑜。

神龜

刀劍錄：文帝以初元十九年庚子鑄三劍，各長三尺三寸。銘曰：神龜多刻龜形，以應大橫之兆。文帝以韋帶劍，兵本無刃。

衛綰六

衛綰以戲車爲郎，遷中郎將。孝景賜之劍。綰曰：「先帝賜臣劍凡六，不敢奉詔。」上曰：「劍人所施易，獨至今乎？」綰曰：「具在上，使取六劍。」劍尚盛，未嘗服也。○施讀曰馳，易換之也。

新羅

閩世家：新羅遣使聘，使以寶劍。王延曦曰：「此將何爲？」相王倓曰：「不忠不孝者斬之。」曦色變，曦卽立，倓死，發塚，殯其尸。

刺山

漢書：李廣利爲二師將軍，征大宛，軍中無水，乃拔劍刺山，飛泉湧出。